



NAFARROAKO PARLAMENTUKO

ALDIZKARI OFIZIALA

X. legegintzaldia

Iruña, 2023ko ekainaren 8a

71. ZK.

A U R K I B I D E A

G SAILA:

txostenak, deialdiak eta Parlamentuko informazioa:

- Nafarroako Parlamentuko legelari nagusiaren 19/2023 ebazpena, ekainaren 1ekoa, zeinaren bidez Josetxo Martínez Itoiz jauna aldi baterako Prentsako atalburu izendatzen baita (2. or.).
- PER20230030. Deialdia, Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat oposizio bidez betetzeko (funtzionario-araubidekoa eta C mailakoa) (3. or.).

G saila:

TXOSTENAK, DEIALDIAK ETA PARLAMENTUKO INFORMAZIOA

Nafarroako Parlamentuko legelari nagusiaren 19/2023 ebazpena, ekainaren 1ekoa, zeinaren bidez Josetxo Martínez Itoiz jauna aldi baterako Pentsako atalburu izendatzen baita.

Nafarroako Parlamentuko Mahaiak, 2021eko uztailaren 26an harturiko erabakiaren bidez, Nafarroako Parlamentuko administrazioaren antolaketari buruzko Erregelamenduaren aldaketa onetsi zuen (95. NPAO, 2021-08-06koa). Erregelamendu horren 10. artikularen bidez, Pentsa Atala sortu zen, halako moduan non bere eginkizunak zuzenean Legelari Nagusiaren agindupean beteko baititu eta atal horren burutza laugarren xedapen gehigarrian xedatutakoaren arabera beteko baita, Nafarroako Parlamentuko Teknikarien Kidegoko funtzionarioen artean merezimenduen lehiaketa eginez.

Halaber, Erregelamendu horren laugarren xedapen gehigarriarekin bat, Nafarroako Parlamentuko funtzionarioek atalburutzak aldi baterako bete ahal izanen dituzte, Legelari Nagusiak izendatuta, zeinak kargutik libreki kendu ahal izanen baititu, modu horretan berean.

Pentsako atalburutza merezimendu-lehiaketarako deialdi baten bidez betetzen ez den bitartean, beharrezkoa da funtzio horietan aldi baterako ordeztuko duen teknikaria izendatzea.

Horregatik, eta Parlamentuko Administrazioaren Antolamenduari buruzko Erregelamenduaren laugarren xedapen gehigarriaren 2. apartatuan ezarritakoari jarraikiz,

EBATZI DUT:

1. Josetxo Martínez Itoiz jauna, Teknikarien Kidegoko funtzionarioa bera, aldi baterako Pentsako atalburu izendatzea.

2. Ebazpen hau Nafarroako Parlamentuko Aldizkari Ofizialean argitara dadin agintzea.

Iruñean, 2023ko ekainaren 1ean

Legelari nagusia: Silvia Doménech Alegre

PER20230030. Deialdia, Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat oposizio bidez betetzeko (funtzionario-araubidekoa eta C mailakoa).

Nafarroako Parlamentuko Batzorde Iraunkorreko Mahaiak, besteak beste, erabaki hau hartu zuen 2023ko ekainaren 5ean eginiko bilkuran:

Zerbitzu Orokorretako buruak deialdi bat egi-tea proposatu du, Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat oposizio bidez betetzeko (funtzionario-araubidekoa eta C mailakoa). Proposamen hori Informatikako, Ikus-entzunezkoen Sistemetako eta Teknologiako Zerbitzuko buruak proposatuta egin du. Espedientea Zerbitzu Juridikoek eta Kontu-hartzaitzak egindako txostenarekin osatu da.

Aurkezturiko dokumentazioa ikusita eta Nafarroako Parlamentuko Erregelamenduaren 78. artikularekin bat, honako hau ERABAKI DA:

1. Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat (funtzionario-araubidekoa eta C mailakoa) oposizio bidez betetzeko deialdiaren oinarriak onestea eta espedientea abiatzeko agindua ematea.

2. Deialdi horretatik sor litezkeen gastuak baimentzea, Parlamentuaren gastu-aurrekontu indarduneko "Lanpostuak betetzeko gastuak eta dietak" izeneko 24020 partidaren kargura.

3. Probak egin eta zuzentzen direnean epaimahai kalifikatzailearekin lankidetzan aritzen diren teknikari eta laguntzaileen balizko lankidetzaren ondoriozko gastuak baimentzea, abenduaren 20ko 276/1989 Foru Dekretua osagarri gisa aplikatuta, Nafarroako Parlamentuak ez baitu horri buruzko arau zehatzik.

4. Deialdia Nafarroako Parlamentuko Aldizkari Ofizialean eta Nafarroako Aldizkari Ofizialean argitara dadin agintzea, bai eta Parlamentuaren webgunean ere.

5. Erabaki hau Zerbitzu Orokorretako, Informatikako, Ikus-entzunezkoen Sistemetako eta Teknologiako Zerbitzuko eta Kontu-hartzaitza eta Gai Ekonomikoetarako Zerbitzuko buruei helaraztea.

Iruñean, 2023ko ekainaren 5ean

Lehendakaria: Unai Hualde Iglesias

Deialdia, Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat oposizio bidez betetzeko (funtzionario-araubidekoa eta C mailakoa)

Honako hauek dira deialdi honen oinarriak:

1. oinarria. Xedea.

1.1. Deialdi honen xedea da Nafarroako Parlamentuaren zerbitzuko ikus-entzunezkoen teknikari-ofiziala izateko lanpostu huts bat oposizio bidez betetzea (funtzionario-araubidekoa eta C mailakoa)

1.2. Oposizioa 1991ko martxoaren 21eko Nafarroako Parlamentuko Langileen Estatutuan eta horrek gerora izandako aldaketetan xedatuari jarraikiz egingen da; eta, osagarri modura, Nafarroako Administrazio Publikoen Zerbitzuko Langileen Estatutuaren testu bategina onesten duen abuztuaren 30eko 251/1993 Legegintzako Foru Dekretuan eta, hori garatu eta betearazteko, Sarrera-erregelamendua onesten duen ekainaren 5eko 113/1985 Foru Dekretuan xedatuarekin bat.

1.3. Deialdi hau dela medio izendaturik suertatzen den izangaiak Nafarroako Parlamentuko funtzionarioentzat eta, zehazki, teknikari-ofizialen kidegokoentzat ezarritako eginkizunak beteko dituzte eta horien eskubide eta betebeharrak edukiko dituzte. Bere eginkizunak Nafarroako Parlamentuko Langileen Estatutuaren 8.5 artikuluan oro har ezarritakoak izanen dira; zehazki, hauek: ikus-entzunezkoen sistema maneiatu eta egiaztatzea, Parlamentuaren bilkuren errealizazio egokia egin dadin halakorik egin beharrekoetan, bai eta zerbitzuaren berezko eginkizunekin zerikusia daukan eta bere prestakuntzaren arabera zerbitzuburuak agin diezaiokeen beste edozein lanbide-eginkizun ere.

Lanpostua Informatikako, Ikus-entzunezkoen Sistemetako eta Teknologiako Zerbitzuari atxikirik dago.

1.4. Izendapenak Nafarroako Parlamentuaren nominako eta plantillako funtzionarioaren izaera

emanen dio hautatuari, indarreko xedapenetan adierazitako eskubide eta betebeharrak guztiekin.

1.5. Lanpostua C mailakoa da, eta horren lan-sariak izanen dira maila horri dagozkionak gehi Nafarroako Parlamentuko plantilla organiko indardunean zehazten diren osagarriak.

1.6. Izendatzen den funtzionarioa Gizarte Segurantzako araubide orokorrean sartu eta afiliatuko da, araubide horren babesean, salbu eta Nafarroako Administrazio Publikoetako Langileen Estatutuan eta hori osatzen duten xedapenetan aipatzen den eskubide pasiboan eta osasun eta gizarte laguntzaren araubideko kidea bada, kasu horretan aukera izanen baitu araubide horretan segitzeko edo Gizarte Segurantzaz afiliatzeko.

1.7. Lanaldia gauzatuko da Nafarroako Parlamentuko langileentzat orokortasunez ezarritako ordutegi eta txandetan.

2. oinarria. Izangaiei betekizunak.

2.1. Prozedura honetan onartuak izateko, izangaiek honako baldintza hauek bete beharko dituzte eskabideak aurkezteko epea amaitzen den egunean eta lanpostua betetzeko prozedurak irauten duen denbora guztian, harik eta lanpostua betetzeko unera arte:

a) Espainiar nazionalitatea, Europar Batasuneko kide den beste estatu batekoa edo Europar Batasunak izenpetu eta Espainiak berretsita izanik langile-zirkulazio askea aurreikusten duten nazioarteko itunen aplikazio-esparruan dagoen estatu batekoa edukitzea.

Espainiarren eta Europar Batasuneko kide diren beste estatu batzuetako herritarren edo aipatu nazioarteko itunek ukitutako estatuetoako herritarren ezkontideek ere parte hartzen ahalko dute, baldin eta ez badaude zuzenbidez bereizita. Orobat, haien ondorengoek eta ezkontidearenek, zuzenbidez bereizita ez daudenean, hogeita bat urte baino adin txikiagokoak badira, edo haien kontura bizi diren adin horretatik gorakoak.

b) Hamasei urte beteak izatea eta nahitaezko erretiroa hartzeko ezarritako adina ez gainditzea.

c) Batxilergoko, Bigarren Mailako Lanbide Heziketako edo horietakoren baten baliokide gisa ofizialki deklaratu izan den titulu baten jabe izatea, edo hori eskuratzeko eskubideak ordaindu izanaren ziurtagiria edukitzea, eskabideak aurkezteko epea amaitzen den egunean.

Atzerrian lortutako tituluen kasuan, horien homologazioaren frogagiri ofiziala eduki beharko da aipatutako data horretan, edo, bestela, baliokidetan ziurtagiri ofizialarena. Betekizun hori ez

zaie aplikatuko izangaiei, baldin eta Europako Erkidegoko zuzenbidearen xedapenen babesean lortu badute, lanbide arautuen esparruan, beren lanbide-kualifikazioaren aitortpen ofiziala.

d) Kasuan-kasuan bete beharreko eginkizunetan aritzeko behar den gaitasun fisiko eta psikikoa edukitzea.

e) Eginkizun publikoetan aritzeko ezgaitua edo gabetua ez egotea eta administrazio publikoren baten zerbitzuetatik bereizita izan ez izana, ezta diziplinako kaleratze bidez bidali izana ere.

2.2. Aurreko baldintzak bete beharko dira eskabideak aurkezteko epea amaitzen den unean, eta postuaren jabetza hartzen den arte.

2.3. Izangaiek deialdi honen oinarrietan zehazten den unean beharko dute frogatu aurreko bete-kizun horiek betetzen dituztela.

3. oinarria. Eskabideak, dokumentazioa eta azterketa-eskubideak.

3.1. Deialdian parte hartzeko eskabideak Nafarroako Parlamentuko lehendakariari zuzendu beharko zaizkio, eta Nafarroako Parlamentuaren Erregistro Orokorrean aurkeztu beharko dira (Navas de Tolosa kalea, 1 - Iruña), edo administrazio-araudi indardunaren arabera beste erre-gistro batzuetan.

Nafarroako Parlamentuaren Erregistro Oroko-rean aurkeztuz gero, eskabidea eta haren kopia bat aurkeztu beharko dira. Kopia zigilatu eta inter-esdunari itzuliko zaio, izen-ematearen ziurtagiri gisa. Nafarroako Parlamentuaren Erregistroaren ordutegia honako hau izanen da 2023ko ekainaren 16ra eta 2023ko uztailaren 1etik: astelehenetik ostiralera, 09:00etatik 14:30era. 2023ko ekainaren 19tik 30era, berriz, astelehenetik ostegunera bitarte 09:00etatik 17:30era, eta ostiraletan 09:00etatik 14:30era. Uztailaren 6tik 14ra itxita egonen da.

3.2. Eskabidea posta bulego batean aurkeztea aukeratuz gero, gutun-azal ireki bidez egingen da, kasuko posta-langileak eskabideari data eta zigilua jar diezazkion, ziurtapena egin aurretik.

3.3. Eskabidea l. eranskinean adierazitako ereduaren arabera izanen da, eta interesdunentzat eskuragarri egonen da Nafarroako Parla-mentuko Erregistro Orokorrean eta Nafarroako Parlamentuaren webguneko (<https://parlamentodenavarra.es/eu>) "Gardentasuna/Langile-zerrendak eta -deialdiak/Langile-deialdi publikoak/2023ko ekitaldia" izeneko atalean.

3.4. Parte-hartze eskabidean, izangaiek adierazi beharko dute ezarritako baldintza guz-tiak betetzen dituztela eskabide-aurkezpenerako

zehaztutako epea amaitzen den egunean.

3.5. Parte hartzeko eskabidearekin batera, izangaiek Nortasun Agiri Nazionalaren, pasaportearen edo beste identifikazio-agiri ofizial baten fotokopia aurkeztu beharko dute.

3.6. Espainiako nazionalitatea ez duten pertsonak beren identitatea eta nazionalitatea frogatzen dituzten agiriaren fotokopiak aurkeztu beharko dituzte, bai eta, kasua bada, 2.1.a) apartatuan ezarritako nazionalitate- eta ahaidetasun-baldintzei buruzkoena ere. Halaber aurkeztu beharko dute zinpeko edo hitzematezko aitorpena, beren jatorrizko herrialdean funtzio publikorako sarbidea eragozten dien inolako diziplina-zehapenik edo kondena penalik ez izatearena.

3.7. Desgaitasun aitortua duten izangaiek zilegi izanen dute balizko denbora- edo baliabide-egokitzapenak eskatzea horiek beharrezkoak dituzten ariketarako. Kasu horretan, horren berri eman beharko dute eskabidean, aparteko orri batean adierazi beharko dute zer desgaitasun duten eta zein diren eskatzen dituzten egokitzapenak, eta legezko desgaitu-izaera frogatu beharko dute, organo eskudunak jaulkitako dokumentuaren kopia bat atxikiz.

3.8. Azterketa egiteko eta espediente formalizatzeko eskubidea izateko 26,00 euro ordaindu beharko dira; hartara, transferentzia bat egiten de Nafarroako Parlamentuaren honako banku-kontu honetara ES47 3008 0218 843490314824 (Nafarroako Rural Kutxa), azalpenean honako hau jarrita: "Parlamentuko ikus-entzunezkoen teknikari-ofizialaren deialdiko azterketa-eskubideak", bai eta bidaltzailearen izen-abizenak ere. Diru-sarreraren frogagiria deialdian parte hartzeko eskabideari atxikiko zaio.

Azterketa egiteko eta espediente formalizatzeko eskubideak ordaindu ezean, izangaia deialditik at geldituko da. Azterketa eskubideen tasa ordaintzeak ez du inola ere ordeztuko eskabidea behar den epean eta moduan aurkeztu beharra.

Azterketa-eskubideak ordaintzetik salbuetsita egonen dira:

a) 100eko 33ko edo hortik gorako desgaitasun aitortua duten pertsonak, zeinek legezko desgaitu-izaera dutelako ziurtagiria aurkeztu beharko baitute.

b) Deialdia argitaratzen den egunerako, langabetu gisa hilabete bat edo gehiago inskribaturik daramaten pertsonak. Salbuespen hori aplikatzeko baldintza izanen da inskribaturik egon diren bitartean eskainitako inolako lan egokiri uko egin ez izana eta lanbide sustapen, prestakuntza edo

birmoldaketarako ekintzetan parte hartzeari uko egin ez izana, justifikaturiko kasuetan izan ezik, eta, horrez gainera, lanbide arteko gutxieneko soldatatik gorako diru-sarrerarik ez izatea, hilean zenbatuta.

Honela frogatu beharko da b) apartatuan aurreikusitako salbuespena:

– Langabetua dela frogatzeko, behar den enplegu bulegoak emandako agiria aurkeztu beharko da. Bertan, lan eskatzaile gisa inskribatu zeneko data agertuko da, eta, orobat, adieraziko da inskribaturik egon den bitartean ez diola uko egin handik eskainitako inolako lan egokiri, ezta lanbide sustapen, prestakuntza edo birmoldaketarako ekintzetan parte hartzeari ere, justifikatutako kasuetan izan ezik.

– Interesdunak erantzukizunpeko adierazpen baten bidez frogatuko du ez duela hileroko lanbide arteko gutxieneko soldatatik gorako diru-sarrerarik; horretarako deialdi honen II. eranskineko ereduaren arabera agiria aurkeztuko du.

4. oinarria. Eskabideak aurkezteko epea.

Eskabideak aurkezteko epea hogeita hamar egun naturalekoa izanen da, deialdi hau Nafarroako Aldizkari Ofizialean argitaratu eta biharamunetik zenbatzen hasita. Eskabideak aurkezteko epea luzaezina da.

5. oinarria. Izangai-onarpena. Behin-behineko eta behin betiko zerrendak.

5.1. Eskabideak aurkezteko epea bukatuta, onartuen eta baztertuen behin-behineko zerrenda onetsiko du Nafarroako Parlamentuko lehendakariak, eta Nafarroako Parlamentuko Aldizkari Ofizialean argitara dadin aginduko du. Onartutako eta baztertutako izangaien izen-deiturak agertuko dira zerrenda horretan. Izangai bazterturik ez badago, zilegi izanen da zuzenean onestea behin betiko zerrenda. Orobat argitaratuko da Nafarroako Parlamentuko iragarki-oholean eta <https://parlamentodenavarra.es/eu/webgunean>, "Gardentasuna/Langile-zerrendak" eta "-deialdiak/Langile-deialdi publikoak/2023ko ekitaldia" atalean.

5.2. Behin-behineko zerrenda Nafarroako Parlamentuko Aldizkari Ofizialean argitaratu eta biharamunetik aurrerako hamar egun balioduneko epean, interesdunek zilegi izanen dute egoki jotzen dituzten erreklamazioak aurkezteko zerrenda horren aurka eta haiek egindako balizko akatsak zuzentzea.

5.3. Erreklamazioak egiteko epea iraganik eta horiek ebatzirik, Nafarroako Parlamentuko lehen-

dakariak onartuen eta baztertuen behin betiko zerrenda onetsiko du, zeina honako hauetan argitaratuko baita: Nafarroako Parlamentuko Aldizkari Ofizialean eta <https://parlamentodenavarra.es/eu/webgunearen> "Gardentasuna/Langile-zerrendak eta -deialdiak/Langile-deialdi publikoak/2023ko ekitaldia" atalean.

5.4. Ez da azterketa egiteko eta espediente formalizatzeko eskubidetik itzuliko, baldin eta deialditik at gelditzeko arrazoia izangaiari egotz badakioke.

5.5. Onartuen zerrendetan agertzeak ez du esan nahi interesdunei aitortu egiten zaienik deialdi honetan eskatutako baldintzak betetzen dituztenik. Hautatze-prozedura gaindituz gero aurkeztu beharreko dokumentaziotik ondorioztatzen baldin bada interesdunak ez duela betekizunen bat betetzen, horrek galdu egingen du prozedura honetan parte hartzetik hel zitekeen eskubide oro, ezertan galarazi gabe faltsutasunagatik erator lekizkiokeen erantzukizun penal, zibil edo administratiboak.

6. oinarria. Epaimahaiaren osaera, eraketa eta jarduna.

6.1. Epaimahaia honako kide hauek osatuko dute:

Lehendakaria: Nafarroako Parlamentuko Mahaiko kide bat.

Ordezkoa: Nafarroako Parlamentuko Mahaiko kide bat.

Epaimahaikidea: Asun Marzal Parra andrea, Nafarroako Parlamentuko Informatikako, Ikus-entzunezkoen Sistemetako eta Teknologia Zerbitzuko burua.

Ordezkoa: Eduardo Aranaz Jiménez jauna, Nafarroako Parlamentuko Sistemen Ataleko burua.

Epaimahaikidea: Jacinto Mateos Fernández jauna, Extremadurako Biltzarreko Ikus-entzunezkoen eta Teknologia Berrien Ataleko burua.

Ordezkoa: Miguel Ángel Ramírez Gómez jauna, Extremadurako Biltzarreko Komunikazioko eta Irudi Korporatiboko Unitateko burua.

Epaimahaikidea: Nafarroako Parlamentuko Langileen Batzordeak hautatuko du.

Ordezkoa: Nafarroako Parlamentuko Langileen Batzordeak hautatuko du.

Idazkaria: Silvia Doménech Alegre andrea, Nafarroako Parlamentuko legelari nagusia.

Ordezkoa: Nafarroako Parlamentuko legelari bat.

6.2. Baldin eta, abstentziorako eta errefusatzeko lege ezarritako arrazoia aplikatuz, epaimahaiaren osaketan aldaketarik balego, izangai onartuen eta baztertuen behin betiko zerrendarekin batera argitaratuko litzateke aldaketa hori.

6.3. Epaimahaia hautaprobak hasi aurretik eratu beharko da. Izangai onartuen eta baztertuen behin betiko zerrenda argitaratzen denean izendatuko dira lehendakaria eta haren ordezkoa, bai eta izendatu beharreko gainontzeko kideak ere.

6.4. Epaimahaia ezin izanen da eratu, ezta jardun ere, gutxienez bere kideen gehiengo osoa bertaratu gabe. Halaber, epaimahaiaren eraketa eta jarduna baliodunak izateko, epaimahaiburuak eta idazkariak edo haien ordezkoez bertan beharko dute egon.

6.5. Epaimahaiak gehiengo ebatziko ditu deialdiaren oinarriak interpretatu eta aplikatzeko moduari buruz sor daitezkeen gorabehera guztiak.

6.6. Epaimahaiko kideak behartuta egonen dira esku hartzetik abstenitu eta organo dei-egileari horren berri ematera, baldin eta Sektore Publikoaren Araubide Juridikoari buruzko urriaren 1eko 40/2015 Legean aipatzen diren abstentzio-kausetakoren bat beraiei aplikatzeko bada. Halaber, izangaiek zilegi dute aipatu kasetakoren bat aplikatzeko zaien epaimahakideak errekusatzea.

6.7. Epaimahaiak aholkulari espezialistak beregana ditzake proba guztietarako nahiz probaren baterako. Aholkulari horiek lankidetzan arituko dira epaimahaiarekin, eta beren espezialitate teknikoetan jardutera mugatuko dira.

7. oinarria. Oposizioaldia.

7.1. Oposizioaldia 2023ko urritik aurrera hasiko da, Nafarroako Parlamentuaren iragarki-oholean eta webgunean gutxienez ere hamabost egun natural lehenago iragarriko diren tokian, egunean eta orduan.

Oposizioaldiak bi proba izanen ditu, garaiz iragarriko diren bi egunetan egingen direnak. Proben puntuazioak bi hamarrenetara biribilduta adieraziko dira. Oposizioaldiko probetan gehienez ere 100,00 puntu lortu ahalko dira.

a) Lehenbiziko proba: Ariketa bat izanen da: lau erantzun-aukerako baina erantzun baliodun bakarreko galderen sorta bati erantzun beharko zaio, deialdiko III. eranskineko gai-zerrendako bi zatien edukiari buruz. Erantzun okerrak zigortu egingen dira.

Probaren gehieneko iraupena epaimahai kalifikatzaileak zehaztuko du proba hasi baino lehen.

Proba egiten den bitartean ezin izanen da testurik erabili, ez eta hizteirik edo bestelako materialik ere. Tinta urdineko nahiz beltzeko bolaluma bat, punta lodikoa, soilik erabili ahalko da.

Deialdiko III. eranskineko gai-zerrendako zati orokorrean sartzen den edukiari buruzko galderek galderen ehuneko hogeita bost eginen dute gehiezez ere.

Gehiezez ere 50,00 puntu lortu ahalko dira lehenbiziko proba honetan, eta bazterturik geratuko da gutxienez 25,00 puntu lortzen ez dituen izangaia.

b) Bigarren proba: Ariketa honetan, idatziz garatu beharko dira deialdi honetako III. eranskinan agertzen den gai-zerrendako zati espezifikoko gaiarekin zerikusia duten kasu teoriko-praktiko batzuk.

Proba egiten den bitartean ezin izanen da testurik erabili, ez eta hizteirik edo bestelako materialik ere. Tinta urdineko nahiz beltzeko boligrafo bat, punta lodikoa, soilik erabili ahalko da.

Gehiezez ere 50,00 puntu lortu ahalko dira bigarren proba honetan, eta bazterturik geratuko da gutxienez 25,00 puntu lortzen ez dituen izangaia.

Bigarren proba honetan gutun-azal itxien sistema aplikatuko da. Gutun-azalak jendaurreko ekitaldian irekiko dira, eta ekitaldi hori gutxienez hogeita lau ordu lehenago iragarriko iragarriko da Nafarroako Parlamentuaren iragarki-oholean eta webgunean.

7.2. Deialdi bakarra eginen da oposizioko proba bakoitzerako. Izangaiek aldean izan beharko dute Nortasun Agiri Nazionala, pasaportea, gidabaimena edo epaimahaiaren iritziz identifikaziorako balio duen beste agiriren bat. Oposiziotik bazterturik geldituko dira iragarritako egun, ordu eta tokietan agertzen ez diren izangaia, bai eta aipatu agirietako baten bidez identifikatzen ez direnak ere.

Horretarako, gutxienez ere 48 ordu lehenago, ariketa egitera deitutako izangaien zerrenda argitaratuko da deialdiaren 10. oinarrian ezarritako moduan. Deialdian, zer toki, egun eta ordutarako egiten den dei zehaztuko da.

7.3. Oposizioko probak egitean, denbora- eta baliabide-egokitzapen posible eta beharrezkoak eginen dira aitorturiko desgaitasunen bat izanda propio eskatzen dituztenentzat, eskabidean azaltzen dutenaren arabera.

7.4. Proba bakoitza kalifikatu ostean, epaimahaiak izangaiek lortutako puntuazioen zerrenda

argitaratuko du Nafarroako Parlamentuaren webgunean, eta bost egun balioduneko epea abiaraziko du, interesdunek

8. oinarria. Probak gainditzten dituztenen zerrenda, izendapen proposamena eta agirien aurkezpena.

8.1. Bi proben kalifikazioa bukatu ondoren, epaimahaiak gainditu dutenen zerrenda argitaratuko du Nafarroako Parlamentuaren webgunean. Izangaiek oposizioan lortu dituzten kalifikazioak adieraziko dira zerrenda horretan, puntuazioaren araberrako ordenari jarraikiz, lehenbiziko proban eta bigarren proban lortutako emaitza zehaztuta.

Oposizioan gertatzen diren puntuazio osoan diren berdinketak bigarren proban puntuaziorik handiena lortu dutenen alde ebatziko dira, eta berdinketa mantentzen bada zozketa eginen da, zozketa egiteko deitutako ekitaldi publiko batean.

8.2. Epaimahaiak guztizko puntuazio handiena lortu duen izangaia izendatzeko proposamena igoerriko dio Nafarroako Parlamentuko Mahaiari, oposizioko aktekin eta gainerako dokumentazioarekin batera. Proposamen hori Nafarroako Parlamentuko Aldizkari Ofizialean eta Nafarroako Aldizkari Ofizialean argitaratuko da.

8.3. Izendapen-proposamena Nafarroako Aldizkari Ofizialean argitaratu ondoko 30 egun naturaleko epearen barrenean, proposaturiko izangaia honako dokumentu hauek aurkeztu beharko dizkio Nafarroako Parlamentuari, guztiguztiak jatorrizkoan eta fotokopian, zeinak izangaiari itzuliko baitzaizkio konpultsatuta eta gero:

a) Nortasun Agiri Nazionala edo izangaiaren nazionalitatea eta nortasuna frogatzen dituen beste agiri baliokide bat.

b) Deialdiaren 2.1.c) apartatuan eskatzen den titulua, edo hori lortzeko eskubideak ordaindu izanaren frogagiria.

e) Txostena, Funtzio Publikoko Zuzendaritza Nagusiko Laneko Arriskuen Prebentziorako Atalak eginga eta zeinaren bidez frogatuko baita interesdunak ez duela eritasun edo akats fisikorik, lanpostuaren berezko eginkizunetan aritzea eragozten dionik. Ofizioz aurkeztuko da, horretarako osasun-azterketa egin ondoren.

Desgaitasunen bat alegatu duten izangaien kasuan, balorazio- eta orientazio-talde eskudunek ofizioz emanen dute desgaitasuna deialdiko lanpostuarekin bateragarria dela dioen frogagiria.

d) Eginkizun publikoetarako ezgaitua edo gabetua ez izatearen, eta inongo administrazio

publikoren zerbitzutik berezi ez izanaren zinpeko aitorpena.

e) Zin egitea edo hitz ematea Nafarroako Foru Eraentza begiratu, Konstituzioari eta legeei men egin eta karguaren berezko eginkizunak zintzo beteko dituela.

f) Nafarroako Administrazio Publikoren bateko langile finko izanez gero, gainera, izaera hori eta aurreko administrazioako espediente pertsonalean ageri diren inguruabar eta aurrekari guztiak frogatzen dituen ziurtagiria, hots, sarrerari, antzinasunari, mailari, egoera administratiboei eta abarri buruzkoa, aurkeztu beharko du.

8.4. Behar adina justifikaturik dauden ezinbesteko kasuetan izan ezik, aipatu epearen barrenean arestiko agiriak aurkeztu ezean ezin izanen da izendatu, eta haren egintza guztiak deuseztaturik geldituko dira, bere eskabidearen faltsukeria dela-eta legokiokeen erantzukizuna ezertan galarazi gabe.

8.5. Aurreko apartatuan aurreikusitako kasuan, Nafarroako Parlamentuko Mahaiak hutsune hori beteko du 8.1 apartatuak aipatzen duen gaindituen zerrendan jarraian dagoen izangaiarekin, eta horrekiko prozedura izanen da aurreko apartatuek adierazten dutena.

9. oinarria. Izendapena.

9.1. Deialdi honen 8.3 apartatuan aipatzen diren dokumentuak aurkeztu direnean, Nafarroako Parlamentuko Mahaiak funtzionario izendatuko du proposatutako izangaia. Izendapen hori Nafarroako Parlamentuko Aldizkari Ofizialean eta Nafarroako Aldizkari Ofizialean argitaratuko da.

9.2. Izendapena jakinarazten denetik hilabete epean, izangaiak bere karguaren behin betiko jabetza hartu beharko du, Nafarroako Parlamentuko legelari nagusiaren aurrean.

9.3. Ulertuko da epe horretan lanpostuaz jabetzen ez den izangaiak oposiziotik eratortzen diren eskubideei uko egiten diela. Kasu horretan, deialdi honetako 8. oinarrian aipatzen den gaindituen zerrendan hurrengo tokian dagoen izangaiarekin beteko da lanpostua.

10. oinarria. Jarduketak argitaratzea.

Nafarroako Aldizkari Ofizialaren bidez argitaratu beharreko izapideak ezertan galarazi gabe, Nafarroako Parlamentuaren webguneko "Gardentasuna/Langile-zerrendak eta -deialdiak/Langile-deialdi publikoak/2023ko ekitaldia" atalean argitaratuko da deialdiko probak eta kalifikazioak direla-eta epaimahaiak egindako jarduketei buruzko informazioa, bai eta interesdunentzat baliaga-

ria izan daitekeen informazio oro ere (<https://parlamentodenavarra.es/eu>).

11. oinarria. Aldi baterako kontrataziorako izangai-zerrendak.

Nafarroako Parlamentuaren zerbitzuko langileak aldi baterako kontratatzeari buruz Erregela-menduak xedatzen duenari jarraikiz, aldi baterako kontrataziorako izangai-zerrenda hauek eginen dira, hautapen prozesuan parte hartu eta bertan posturik lortu ez duten pertsonekin:

1) Lanposturik gabeko gaindituen zerrenda, guztira lortutako puntuazioaren arabera ordenatua.

2) Oposizioa gainditu ez baina lehendabiziko proba gainditu dutenen zerrenda, ortutako puntuazioaren arabera ordenatua. Berdinketak zozketa bidez ebaztuko dira, horretarako deitutako ekitaldi publiko batean.

12. oinarria. Aurkeztutako agiriak.

12.1. Aurkeztutako dokumentazioa berreskuratzeari zilegi izanen dute izangaiak, berariaz eskatuz gero eta erreklamazio edo errekurtsorik jarri ez bada. Berreskuratze-eskaera hiru hilabeteko epean aurkeztu ahaliko da, aurretik beste hiru hilabete igaroak direnean izendapen-erabakia Nafarroako Parlamentuko Aldizkari Ofizialean argitaratu denetik.

12.2. Aurreko atalean ezarritako epea bukatzen bada agiriak hartzeko eskaerarik egin gabe, izangaiak agiriak berreskuratzeari uko egin diotela ulertuko da, eta, beraz, horretarako eskubidea gelduko dute eta agiriak suntsitu eginen dira.

13. oinarria. Errekurtsoak.

13.1. Deialdi honen, bere oinarrien eta Nafarroako Parlamentuko Mahaiak deialdi hau dela-eta hartzen dituen gainerako erabakien aurka ondoko errekurtsuetako bat aurkez daiteke:

a) Aukerako berraztertze-errekurtsoa, Legebiltzarreko Mahaiari zuzendua, egintza edo erabakia jakinarazi edo argitara eman eta biharamunean kontatzen hasitako hilabete epean.

b) Administrazioarekiko auzi-errekurtsoa, Nafarroako Justizia Auzitegi Nagusiko Administrazioarekiko Auzien Salari zuzendua, bi hilabeteko epean, erabakia argitaratu edo jakinarazi eta biharamunean kontatzen hasita.

13.2. Nafarroako Parlamentuko lehendakariak nahiz epaimahaiak deialdi honen aplikazioan erabakitzen dituzten gainerako egintzen aurka zilegi izanen da gora jotzeko errekurtsoa aurkeztea Parlamentuko Mahaiari, egintza edo erabakia

argitaratu edo jakinarazi eta biharamunean kontatzen hasitako hilabeteko epean

I. ERANSKINA

Eskabide eredua

1) Datu pertsonalak

Izen-abizenak: _____
Nortasun Agiri Nazionalaren, Atzeritarraren Identifikazio-zenbakiaren edo beste identifikazio-agiri ofizial baten zenbakia: _____ (fotokopia doa erantsirik)
Jaioteguna: _____
Helbidea: _____
Herria: _____
Probintzia: _____ Posta kodea: _____
Telefonoa(k): _____
Helbide elektronikoa: _____

2) Desgaitasunaren egiaztagiria (bidezkoa denean bakarrik)

[] Desgaitasun bat dudala, zeina eskabidearekin batera frogatzen baitut (legezko desgaitu-izaeraren frogagiriaren fotokopia eranstean da).

[] Desgaitasun hori dela-eta, azaltzen den egokitzapena eskatzen dudala probak egiteko, adierazitako arrazoiengatik. (aparteko orri batean zehaztuko dira desgaitasunaren arrazoiak eta eskatutako egokitzapenak).

3) Azterketa egiteko eta espediente formalizatzeko eskubidea

[] Azterketa egiteko eta espediente formalizatzeko eskubideen tasa ordaindu dudala (honekin batera, diru-sarreraren egiaztagiria).

[] Tasa ordaintzetik salbuetsirik nagoela, honako arrazoi honengatik:

[] % 33ko edo hortik gorako desgaitasuna izatea aitorturik

[] Deialdi hau argitaratu den egunaren aurreko hilabetearen (gutxienez ere) langabezia egotea, deialdiaren 3.8.b) oinarrian azaldutako baldintzetan, eta hileroko lanbide arteko gutxieneko soldatatik gorako diru-sarrerarik ez izatea (honekin batera, enplegu-bulegoaren ziurtagiria, zeinean jasotzen baita inskribaturik egon den bitartean ez diola uko egin eskainitako inolako lan egokiri, ezta lanbide sustapen, prestakuntza edo birmoldaketarako ekintzetan parte hartzeari ere, justifikatutako kasuetan izan ezik, bai eta II. eranskinetako ereduaren araberrako erantzukizunpeko adierazpena)

4) Halaber adierazten dut:

- Ez dudala karguan aritzea galarazten didan eritasunik edo akats fisiko edo psikikorik, eta ez dudala xedapen indardunetan ezarritako ezintasunik.
- Ez naizela diziiplina-espediente bidez inongo administrazio publikoren zerbitzutik bereizia izan, eta ez naizela zigortua izan eginkizun publikoetan jarduteko ezgaitzearekin edo etendurarekin.
- Badauzkadala deialdian eskatzen diren tituluak, eta bertan parte hartzeko ezarrita dauden baldintza guzti-guztiak betetzen ditudala eskabideak aurkezteko ezarritako epea bukatzen den egunean.
 - Konpromisoa hartzen dudala, izendatua izanez gero, deialdiaren 8. oinarrian aipatzen diren agiriak aurreikusten den epean aurkezteko, bai eta lanpostuaren jabetza hartzeko ere nire izendapena jakinarazten denetik hilabeteko epean.

Horrenbestez **ESKATZEN DUT** onartua izatea deialdi horretan, zeinaren bidez beteko baita Nafarroako Parlamentuaren zerbitzuko ikus-entzunezkoen teknikari-ofizialaren lanpostu huts bat, funtzionario-araubidekoa eta C mailakoa. Deialdia _____ datako __ zenbakiko Nafarroako Aldizkari Ofizialean argitaratua da.

_____(e)n, 2023ko _____ren _____(e)(a)n.

(Sinadura)

OHARRA: Eskabidea Nafarroako Parlamentuaren Erregistroan aurkeztuz gero, horren kopia bat atxiki beharko da, zigilatua jarri eta interesdunari itzul dakion, izena eman izanaren frogagiri gisa.

Datu Pertsonalen Babeserako 2016/679 Europako Erregelamenduari (DPBE) eta Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoari jarraikiz, honako honen berri ematen dizugu, emandako datu pertsonalak direla-eta: **Arduraduna eta helburua:** Izaera pertsonaleko datuak Nafarroako Parlamentuak tratatu eta "Giza Baliabideak" tratamendu-sisteman sartuko ditu; haren xedea da Nafarroako Parlamentuko giza baliabideen erregistroarako eta kudeaketarako behar diren datuak lortzea. Datu horiek erabiliko dira langile-hautaketako eta lanpostu-betetzeetako prozesuetan, langileen prestakuntzan, bateraezintasunen gaineko kontrolean, lan-arriskuen prebentzioan, alta- eta baja-zereginetan, eta Gizarte Segurantzari eta, kasua bada, mutualitateei, gizarte-aurreikuspeneko entitateei eta aseguru-enpresari eginiko komunikazioetan, bai eta kontrol presentzian ere.

Legitimazioa: Helburua oinarrituta dago legezko betebeharraren baten betetzean eta Nafarroako Parlamentuaren zenbait ahalmen publikoren erabileran, honako euskarri juridiko honekin: DBEOren 6.1.e) artikulua eta Nafarroako Parlamentuko Langileen Estatutua, Erregelamendu Batzordeak 1991ko martxoaren 20an egindako bilkuran onetsia. (19. NPAO, 1991ko martxoaren 26koa).

Eskubideak: Orobat jakinarazten dizugu zure eskubidea dela Nafarroako Parlamentuari eskatzea zure datuak eskuratu, zuzendu, ezabatu eta eraman ahal izatea, bai eta datu horien tratamendua mugatzea eta ukatzea ere, bidezkoa denean, Nafarroako Parlamentuari eskaria eginez Navas de Tolosa kalea, 1, 31002 Iruña helbidean edo posta elektronikoko dpd@parlamentodenavarra.es helbidean.

Datu-gordetzea: Datuak gordeko dira Nafarroako Parlamentuko Artxiboaren antolamenduari eta funtzionamenduari buruzko Arauek xedatzen dutenari jarraituz. Arau horiek 2000ko maiatzaren 15ean onetsi zituen Nafarroako Parlamentuko Mahaiak, eta 2000ko ekainaren 8ko 48. Nafarroako Parlamentuko Aldizkari Ofizialean argitaratu ziren.

NAFARROAKO PARLAMENTUKO LEHENDAKARIARI

II. ERANSKINA**ERRENTA JASOTZEARI BURUZKO ADIERAZPENA**

Izen-abizenak: _____

NAN zenbakia: _____

Helbidea: _____

Nafarroako Parlamentuaren zerbitzuko ikus-entzunezkoen teknikari-ofizialaren postu bat betetzeko deialdiko azterketak egiteko eta espedientea formalizatzeko eskubideak ordaintzetik salbuetsita egotearen ondorioetarako, honako hau **ADIERAZTEN DUT** nire ardurapean: ez dut lanbide arteko gutxieneko soldatatik gorako diru-sarrerarik jaso, hilean zenbatuta, enplegu-eskatzaille gisa izena emanda egon naizen bitartean, kasuko enplegu zerbitzuak emandako agirian, zeina honekin batera baitoa, jasota ageri denez. Aipatu deialdia _____-ko _____ zenbakiko Nafarroako Aldizkari Ofizialean argitaratu zen.

_____(e)n, 2023ko _____ren _____(e)(a)n.

III. ERANSKINA

Zati orokorra

1. GAIA Espainiako 1978ko Konstituzioa; zehazki, honako titulu hauek: III. titulua: Gorte Nagusiak. VIII. titulua: Estatuaren antolakuntza lurraldeen arabera. I. kapitulua: Printzipio orokorrak. Hirugarren kapitulua: Autonomia-erkidegoak.

2. GAIA Nafarroako Foru Eraentza Berrezarri eta Hobetzeari buruzko Lege Organikoa; zehazki, honako titulu hauek: Atariko titulua. Xedapen orokorrak. I. titulua: Nafarroako Foru Erakundeak.

3. GAIA Nafarroako Parlamentuko Erregela-mendua; zehazki, honako titulu hauek: I. titulua: Nafarroako Parlamentuaren eraketa. II. titulua: Foru parlamentariak. III. titulua: Talde parlamentarioak.

4. GAIA Nafarroako Parlamentuko Erregela-mendua; zehazki, honako titulu hauek: IV. titulua: Nafarroako Parlamentuaren antolamendua. I. kapitulua: Mahaia. II. kapitulua: Eledunen Bartzarra. III. kapitulua: Batzordeak eta ponentziak. 1. sekzioa: Arau orokorrak. 2. sekzioa: Legegintzako batzordeak. 1. sekzioa: Batzorde bereziak.

5. GAIA Nafarroako Parlamentuko Erregela-mendua; zehazki, honako titulu hauek: V. titulua: Funtzionamenduari buruzko arau orokorrak. I. kapitulua: Bilkurak eta haietarako deialdiak. II. kapitulua: Gai-zerrenda. III. kapitulua: Quoruma. IV. kapitulua: Eztabaidak. V. kapitulua: Bozketak. VI. kapitulua: Bilkuren aktak. VII. kapitulua: Epeak zenbatzea eta agiriak aurkeztea.

6. GAIA Nafarroako Parlamentuko Erregela-mendua; zehazki, honako titulu hauek: VI. titulua. Legegintzarako prozedura. I. kapitulua: Legegintza-ekimena. II. kapitulua: Legegintzako prozedura arrunta.

7. GAIA Nafarroako Parlamentuko Erregela-mendua; zehazki, honako titulu hauek: XI. titulua. Interpelazioak eta galderak. XII. titulua. Mozioak. XIII. titulua. Foru Diputazioaren komunikazio, programa edo planen eta beste informazio batzuen azterketa eta eztabaida.

8. GAIA Nafarroako Parlamentuko Langileen Estatutua. Nafarroako Parlamentuko administrazioaren antolamenduari buruzko erregelamendua.

Zati espezifikoak

9. GAIA Audio analogikoa eta digitala. Audio-seinale orekatua. Interfaze orekatua eta ez-orekatua. Soinu digitalaren oinarriak. Seinalearen laginketa eta kodeketa. Erlojua eta sinkronizazioa. Bihurtze analogikoa-digitala. Estandarrak eta for-

matuak (AES3, MADI). Soinu-konektoreak eta -kableatua. Inpedantzia. Pantailatzea. Audio-sistemen kableatuko formatuak eta estandarrak.

10. GAIA Mikrofonoak. Motak eta ezaugarriak. Direktibotasuna eta diagrama polarra. Zarata maila eta sentikortasuna (s/r). Maiztasun-erantzuna, inpedantzia. Transduktorearen eta direktibotasunaren araberrak sailkapena. Teknika mikrofonikoak (teknika estereofonikoak).

11. GAIA Soini monofonikoa, estereo, kanal antizetkoa. Audio-seinalea. Mailak eta magnitudeak. Neurketa-tresnak

12. GAIA Audio-seinalea nahastea eta prozesatzea. Audio-nahasgailuaren ezaugarri teknikoak, kontrola eta konexioak. Audio digitalaren eta analogikoaren nahasgailua. Audio-seinalearen prozesadoreak. Atarikoak. Maiztasun-, dinamika- eta efektu-prozesadoreak. Ekualizadore grafikoak eta parametrikoak. Iragazkiak. Audioko nahasketamahiak. Soundcraft SiExpression1 mahai digitala (16 Mic/Line eta 4 buseko 2 linea Estereo).

13. GAIA Soinuaren erreproduktzioa. Soinu profesionaleko instalazioak, megafonia. Anplifikadore, bozgorailu, entzungailu eta bestelako ekipa analogikoen motak eta ezaugarriak.

14. GAIA Eztabaida- eta hitzaldi-sistema bozketadunak. Osagaiak eta konexioak. Lan-filosofia. Kontrol-softwarea. Unitate-motak. Kudeaketa eta mantentze-lanak. SHURE (MXC seriea) bozketam eta hitzaldi-sistema eta Shure SW600 softwarea.

15. GAIA Aldibereko itzulpen-sistemak. Aldibereko itzulpenaren alderdi teknikoak. Zer ekipa behar den., Kudeaketa eta kontrola.

16. GAIA Bideo-seinale digitalak. Sinkronizazioa eta erreferentziak. Sinkronismoak sortzeko sistemak. HDMI eta SDL seinaleak. Bideo-nahasgailuak. ATEM nahasgailuak.

17. GAIA Seinaleen banaketarako eta kontrolerako ekipamendua. Kommutazio-matrizeak eta seinale-banagailu, -bihurgailu eta -eskalagailuak. Ikus-entzunezkoen sistemak kudeatzeko eta kontrolatzeko ekipa. Audio- eta bideo-konexio analogikoa eta digitala, patch panel. HDMI, DVI, Display port, SDI, HDBaseT konexioak.

18. GAIA Bideo-seinaleen kodeketa eta konpresioa. Ekoizpenerako bideo- eta audio-kodeketak. Sistema eta formatu erabilienak: MPEG2, MPEG4, H.264/MPEG4-AVC, HEVC. Fitxategiak, edukiontzia (MXF, IMF) eta Transport Stream. Audio- eta bideo-formatuak prozesatzeko eta bihurtzeko softwarea. Audio-xurgagailuak eta desxurgagailuak.

19. GAIA Audio- eta bideo-konektoreak eta -kableak; horiek mantentzea eta konpontzea.

20. GAIA Ikus-entzunezko ekipoen mantentze-lanak (prebentziozkoa, zuzentzailea eta predikzioa). Ekipoak garbitzea, iragazkiak garbitu eta aldatzea, lanparak aldatzea, oinarritzko konponentak, soldadura biguna.

21. GAIA Ekipo elektronikoetarako elikatze-iturriak. Motak, iturri linealak eta konmutaziozkoak. Abantailak eta desabantailak. Bloke-diagrama eta funtzionamendua.

22. GAIA Bideokonferentzia-sistemak. Kudeaketa eta kontrola. IP eta web bideokonferentzia-sistemak. ZOOMa.

23. GAIA Streaminga Streaming-plataformak. Wowza.

24. GAIA Bideo-proiektagailuak. Proiektzio-teknologia; motak eta ezaugarriak. Irudi-pantailak; motak.

25. GAIA IP teknologia bidezko bideo-produkzioa.

26. GAIA IP teknologia bidezko audio-produkzioa. SHURE Microflex Wireless hari gabeko mikrofono-sistemak. DANTE.

27. GAIA Creston kontrol-sistemak: erabilera eta eragiketa.

28. GAIA Ordenagailu-sareak. Kableatze egituratuko sistemak. LAN sareak: estandarrak eta protokoloak. TCP/IP sareak. Oinarritzko sare-zerbitzuak: DHCP, NAT, DNS. NTP, SNMP.

29. GAIA Hari gabeko teknologiadun toki-sareak. Estandarrak eta protokoloak. Sarbide-puntuak.

30. GAIA Bezera-sistema eragileak: Windows 10 eta Windows 11. Aplikazioen instalazioa. Mantentze-lanak eta eguneratzeak. Baliabide partekatuak. Gailuen eta inprimagailuen instalazioa. Urrutiko idazmahaia.

Oharra: Deialdi honetako gai-zerrendan sartzen den Nafarroako Parlamentuko Erregelamendua 2023ko martxoaren 16ko Osoko Bilkuran onetsitakoa da (2023ko apirilaren 14ko 76. Nafarroako Aldizkari Ofiziala). Gainerako edukiak deialdi hau Nafarroako Aldizkari Ofizialean argitaratzen den egunean indarrean dauden arauetan gertzen diren bezala eskatuko dira.

